



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka (“Službeni glasnik BiH” broj 95/12), člana 25. Pravilnika o godišnjim finansijskim izvještajima političkih stranaka (“Službeni glasnik BiH” broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH”, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2012. GODINU VIZIONARSKO DEMOKRATSKE STRANKE

Broj: 03-07-6-674/13  
Sarajevo, 14.04.2014. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE REVIZIJE.....	5
5.1. NALAZI REVIZIJE.....	5
5.2. PREPORUKE .....	7

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Vizionarsko demokratske stranke za 2012. godinu i finansijskog izvještaja za period od dana podnošenja prijave za izbore do dana objere rezultata Lokalnih izbora, održanih u oktobru 2012. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine, Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine i odredbama poglavlja 15 Izbornog zakona BiH, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2012. godinu, utvrđeno je da je Vizionarsko demokratska stranka prekršila odredbe člana 8. stav (1) i člana 11. stav (3) koji je bio na snazi do 04.12.2012. godine, i člana 12. stav (4) Zakona o finansiranju, koji je na snazi od 05.12.2012. godine.**

**Pregledom, odnosno kontrolom finansijskih izvještaja, nismo zapazili ništa značajno, osim gornje napomene, što bi ukazalo na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Vizionarsko demokratske stranke za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka ("Službeni glasnik BiH" broj: 96/13) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH" broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Vizionarsko demokratska stranka je ostvarila prihod u iznosu od 6.700,00 KM, što je prikazano u narednoj tabeli:

Red. br.	Vrsta prihoda	Iznos u KM	Učešće u uk. prihodu %
1	Članarina	1200,00	17,91%
2	Prilozi fizičkih lica	120,00	1,79%
3	Prilozi pravnih lica	100,00	1,49%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	5.280,00	78,81%
7	Prihodi iz budžeta	0,00	0,00%
	<b>Ukupni prihodi:</b>	<b>6.700,00</b>	<b>100,00%</b>

U godišnjem finansijskom izvještaju Vizionarsko demokratska stranka je iskazala ukupne rashode u iznosu od 5.713,80 KM<sup>1</sup>.

## 2. PREDSTAVLJANJE POLITIČKE STRANKE

Naziv političke stranke je Vizionarsko demokratska stranka. Skraćeni naziv stranke je VDS.

Stranka je registrovana 21.11.2011.godine u Općinskom sudu u Sarajevu pod brojem: 065-0-F1-11-000004.

Sjedište Vizionarsko demokratske stranke je u Sarajevu, Kovačeva 6.

Lica ovlaštena za zastupanje stranke je Adnan Iković, predsjednik stranke.

Lice ovlašteno za podnošenje finansijskih izvještaja za 2012. godinu je Ajdin Iković.

Prema podacima iz godišnjeg finansijskog izvještaja, Vizionarsko demokratska stranka ima šest općinskih odbora.

---

<sup>1</sup> Kontrolom obrazaca 4-1, i 4-2 iz godišnjeg finansijskog izvještaja, utvrđeno je da ukupni troškovi stranke nisu tačno iskazani, i oni iznose 10.994,80 KM.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Vizionarsko demokratske stranke za 2012. godinu i finansijski izvještaj za period od dana podnošenja prijave za izbore do dana ovjere rezultata Lokalnih izbora, održanih u oktobru 2012. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama poglavlja 15 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

**Obim pregleda i kontrole** finansijskih izvještaja Vizionarsko demokratske stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode od poklona, kao i troškove izborne kampanje.

### 4. PRETHODNE KONTROLE I REVIZIJE

Kontrola finansijskih izvještaja obavlja se drugi put.

Služba za reviziju je obavila pregled godišnjeg finansijskog izvještaja Vizionarsko demokratske stranke za 2011. godine, nakon čega je izdala izvještaj o pregledu sa mišljenjem revizora i nalazima revizije, da je stranka postupala u skladu sa odredbama Zakona o finansiranju.

### 5. NALAZI I PREPORUKE REVIZIJE

#### 5.1. NALAZI REVIZIJE

- a) **Na osnovu obavljenog pregleda godišnjeg finansijskog izvještaja i dodatne dokumentacije utvrđeno je da je Vizionarsko demokratska stranka prekršila odredbe člana 8. stav (1) Zakona o finansiranju političkih stranaka, koji je bio na snazi do 04.12.2012. godine, jer je ostvarila zabranjeni prilog.<sup>2</sup>**

Općinski načelnik je putem Službe za upravu za prostorno uređenje i komunalne poslove Općine Centar Sarajevo u 2012. godini Vizionarskoj demokratskoj stranci odobrio korištenje dijela javne površine, u svrhu postavljanja info štanda u svrhu provođenja predizborne kampanje. Za korištenje dijela javne površine u periodu od 14.09. do 05.10.2012. godine na više lokacija u Općini Centar Sarajevo, utvrđena je naknada u iznosu od 5.280,00 KM, ali je

---

<sup>2</sup> Državni, entitetski i kantonalni organi, organi Brčko Distrikta BiH, organi opštinskih i mjesnih zajednica, javne institucije, javna preduzeća, humanitarne organizacije, anonimni donatori, vjerske zajednice, kao i pravna lica u kojima uloženi javni kapital iznosi najmanje 25% ne mogu da finansiraju političke stranke. (Član 8. stav 1.)

zaključcima općinskog načelnika odlučeno da podnosilac zahtjeva za korištenje javne površine nije u obavezi da plati naknadu u navedenom iznosu.

Vizionarska demokratska stranka za korištenje javne površine Općine Centar Sarajevo<sup>3</sup> nije platila navedenu naknadu u iznosu od 5.280,00 KM, pa je u istom iznosu ostvarila prihod od ove općine, koji je članom 8. stav (1) Zakona o finansiranju političkih stranka, zabranjen.

Politička stranka je prihod u iznosu od 5.280,00 KM, koji je ostvarila od Općine Centar Sarajevo, iskazala i u svom finansijskom izvještaju koji je podnijela Centralnoj izbornoj komisiji BiH.

**b) Pregledom je utvrđeno da godišnji finansijski izvještaj nije popunjen u skladu sa Pravilnikom o godišnjim finansijskim izvještajima političkih stranaka, čime su prekršene odredbe člana 11. stav (3) Zakona o finansiranju, koji je bio na snazi do 04.12.2012. godine.**

- Uvidom u obrazac 4 (rashodi političke stranke) godišnjeg finansijskog izvještaja za 2012. godinu, utvrđeno je da troškovi na nivou političke stranke ne odgovaraju zbiru pojedinačnih troškova sa obrazaca 4-1 i 4-2. Ukupne rashode politička stranka iskazala je na obrascu 4. u iznosu od 5.713,80 KM, dok zbir troškova sa pojedinačnih obrazaca 4-1, i 4-2 iznosi 10.994,80 KM. Pogrešnim iskazivanjem troškova politička stranka je prekršila odredbe člana 20. Pravilnika o godišnjim finansijskim izvještajima političkih stranaka.

**c) Stranke je prekršila odredbe člana 12. stav (4) Zakona o finansiranju političkih stranaka koji je na snazi od 05.12.2012. godine, jer nije dostavila traženu finansijsku dokumentaciju.**

- Dana 25.07.2013. godine, Centralna izborna komisija Bosne i Hercegovine je Vizionarskoj demokratskoj stranci uputila Zahtjev za dostavljanje dodatne dokumentacije za 2012. godinu<sup>4</sup> (godišnji obračun za 2012.godinu, dokumentaciju o korištenju poslovnih prostora u 2012. godini, kopije izvoda sa transakcijskog računa: 1401020024980976 za period 01.01.-31.12.2012. godine, kopije odluke Općine Centar Sarajevo o dodijeli javne površine za postavljanje info pulta, kao i kopije Ugovora o pozajmici).

Uvidom u službene evidencije, utvrđeno je da stranka u ostavljenom roku nije dostavila dodatnu dokumentaciju, te joj je Centralna izborna komisija BiH, dana 23.10.2013. godine, uputila Urgenciju za dostavljanje dodatne dokumentacije.<sup>5</sup> Stranka ni po urgenciji nije dostavila traženu dokumentaciju.

Obzirom da Vizionarsko demokratska stranka nije na zahtjev Centralne izborne komisije BiH dostavila dodatnu finansijsku dokumentaciju za 2012. godinu, prekršene su odredbe člana 12. stav (4) Zakona o finansiranju.

<sup>3</sup> Akt Općine Centar Sarajevo broj: 07-23-832/14 od 03.03.2014. godine.

<sup>4</sup> Zahtjev za dostavu dodatne dokumentacije broj: 03-07-6-674-2/13

<sup>5</sup> Urgencija za dostavljanje dodatne dokumentacije broj: 03-07-6-674-3/13.

Prilikom izrade izvještaja, Služba za reviziju se oslanjala na podatke prikupljene iz drugih izvora: podatak iz Jedinственог регистра računa kod Centralne banke Bosne i Hercegovine, podatak o sredstvima koja su iz budžeta isplaćena političkim strankama u 2012. godini i podatak o korištenju poslovnih prostora u vlasništvu opština.

### **Troškovi izborne kampanje**

Vizionarska demokratska stranka iskazala je troškove izborne kampanje za Lokalne izbore 2012. godine u iznosu od 6.809,40 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>6</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Vizionarska demokratska stranka je u svrhu izborne kampanje mogla da potroši 94.840,80 KM.

## **5.2. PREPORUKE**

*Preporučuje se Vizionarskoj demokratskoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da ne prima priloge koji su zakonom zabranjeni,*
- *da obrasce finansijskog izvještaja popunjava u skladu sa odredbama Pravilnika o godišnjim finansijskim izvještajima, i*
- *da dostavlja dodatnu dokumentaciju koju od nje zatraži Centralna izborna komisija BiH.*

### **KOMENTAR**

U ostavljenom roku, Vizionarska demokratska stranka nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2012. godinu. Dostava Preliminarnog izvještaja o pregledu je izvršena u skladu sa članom 85. Zakona o upravnom postupku („Službeni glasnik BiH“ broj: 29/02,12/04, 88/07, 93/09 i 41/13).

Mr.sc. Hasida Gušić, šef Službe za reviziju

Nevenko Andan, revizor

---

<sup>6</sup> Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.